

עבדיו עברו לפני ורוח תשימו  
 בין עדר ובין עדר: ויצו את-  
 הראשון לאמר כי יפגשה עשו  
 אחי ושאלה לאמר למי אתה  
 ואנה תלך ולמי אלה לפניך:  
 ואמרת לעבדה ליעקב מנחה  
 הוא שלוחה לאדני לעשו  
 והנה גם הוא אחרינו: ויצו  
 גם את השני גם את השלישי  
 גם את כל ההלכים אחרי  
 העדרים לאמר כדבר הזה  
 תדברון אל-עשו במצאכם  
 אתו: ואמרתם גם הנה עבדה  
 יעקב אחרינו כי-אמר אכפרה  
 פניו במנחה ההלכת לפני  
 ואחרי-כן אראה פניו אולי  
 ישא פני: ותעבר המנחה על-  
 פניו והוא לן בלילה ההוא  
 במחנה: ויקם | בלילה הוא  
 ויקח את-שתי נשיו ואת-שתי  
 שפחתיו ואת-אחד עשר ילדיו  
 ויעבר את מעבר יבק: ויקחם  
 ויעברם את-הנחל ויעבר את-  
 אשר-לו: ויותר יעקב לבדו  
 ויאבק איש עמו עד עלות  
 השחר: וירא כי לא יכל לו  
 ויגע בכף-ירכו ותקע כף-ירך  
 יעקב בהאבקו עמו: ויאמר  
 שלחני כי עלה השחר ויאמר  
 לא אשלחה כי אם-ברכתני:

כח ויאמר אליו מה שמך ויאמר  
 כט יעקב: ויאמר לא יעקב יאמר  
 עוד שמך כי אם-ישראל  
 כי-שרית עם-אלהים ועם-  
 ל אנשים ותוכל: ושאל יעקב  
 ויאמר הגידה-נא שמך ויאמר  
 למה זה תשאל לשמי ויברך  
 אתו שם: ויקרא יעקב שם  
 המקום פניאל כי-ראיתי  
 אלהים פנים אל-פנים ותנצל  
 לב נפשי: ויזרח-לו השמש כאשר  
 עבר את-פניאל והוא צלע  
 ג על-ירכו: על-כן לא-יאכלו  
 בני-ישראל את-גיד הנשה  
 אשר על-כף הירך עד היום  
 הזה כי נגע בכף-ירך יעקב  
 לג א בגיד הנשה: וישא יעקב עיניו  
 וירא והנה עשו בא ועמו  
 ארבע מאות איש ויחץ את-  
 הילדים על-לאה ועל-רחל  
 ב ועל שתי השפחות: וישם את-  
 השפחות ואת-ילדיהן ראשנה  
 ואת-לאה וילדיה אחרנים  
 ואת-רחל ואת-יוסף אחרנים:  
 ג והוא עבר לפניהם וישתחו  
 ארצה שבע פעמים עד-גשתו  
 ד עד-אחיו: וירץ עשו לקראתו  
 ויחבקהו ויפל על-צוארו  
 ה וישקהו ויבכו: וישא את-  
 עיניו וירא את-הנשים ואת-

הילדים ויאמר מי-אלה לך  
 ויאמר הילדים אשר-חנן  
 אלהים את-עבדה: ותגשן  
 השפחות הנה וילדיהן  
 ז ותשתחוין: ותגש גם-לאה  
 וילדיה וישתחו וואחר נגש  
 ח יוסף ורחל וישתחו: ויאמר  
 מי לך כל-המנחה הזו אשר  
 פגשתי ויאמר למצא-חן בעיני  
 ט אדני: ויאמר עשו יש-לו רב  
 י אחי יהי לך אשר-לך: ויאמר  
 יעקב אל-נא אם-נא מצאתי  
 חן בעיניך ולקחת מנחתי מידי  
 כי על-כן ראיתי פניך כראת  
 יא פני אלהים ותרצני: קח-נא  
 את-ברכתי אשר הבאת לך כי-  
 חנני אלהים וכי יש-לו-כל  
 יב ויפצר-בו ויקח: ויאמר נסעה  
 יג ונלכה ואלכה לנגדה: ויאמר  
 אליו אדני ידע כי-הילדים  
 רכים והצאן והבקר עלות עלי  
 ודפקום יום אחד ומתו כל-  
 יד הצאן: יעבר-נא אדני לפני  
 עבדו ואני אתנהלה לאט  
 לרגל המלאכה אשר-לפני  
 ולרגל הילדים עד אשר-אבא  
 טו אל-אדני שעירה: ויאמר עשו  
 אציגה-נא עמך מן-העם אשר  
 אתי ויאמר למה זה אמצא-חן  
 טז בעיני אדני: וישב ביום ההוא